

Regulamentu pro s'atuazione de su BONUS Sotziale Idricu Integrativu pro s'annu 2021 e imbenientes in s'àmbitu territoriale regionale gestidu dae Abbanoa SpA

Art.1 – Ogetu e finalidade de su Regulamentu.

1. Custu regulamentu disciplinat sa cuntzessione de giuamentos econòmicos suta forma de BONUS Sotziale Idricu Integrativu (dae como BONUS Integrativu) cunforma a s'art. 8 de s'Allegadu A a sa Deliberatzione de su 21 de nadale de su 2017, 897/2017/R/IDR, mudadu e integradu cun sas deliberatziones de su 5 de abriale de su 2018, 227/2018/R/IDR, 165/2019/R/COM e 3/2020/R/IDR (dae como TIBSI), a decùrrere dae s'annualidade 2021.
2. Su BONUS Integrativu est de si considerare in agiunta respetu a su BONUS Sotziale Idricu (dae como BONUS Natzionale) istituidu cun su TIBSI, e costituitu unu rembursu tarifàriu a favore de sas gasi denumenadas "impitadores débiles", cunrispondentes a nùcleos familiares residentes in sos Comunes gestidos dae Abbanoa Spa e chi sunt in cunditziones sòtziu-econòmicas discumbeniosas, cunforma a sos critèrios indicados in custu Regulamentu.

Art.2 – Finanziamentu de su BONUS Integrativu.

1. Cunforma a s'art. 8 de su TIBSI, est istituidu unu Fundu Integrativu finalizadu a su finanziamentu de su BONUS Integrativu pro onni annualidade, pro pessighire sas finalidades de sas cales a s'art. 1.1.
2. Su Fundu Integrativu est che pare a sa summa cumplessiva de sos OP^{social} gasi comente determinadu e aprovalu cunforma a su Mètodu Tarifàriu de sa cale a sa Deliberatzione ARERA n. 897/2017/R/IDR e de su Mètodu Tarifàriu imbeniente de su cale a sa Deliberatzione ARERA n. 580/2019/R/IDR, semper e cando in su respetu de sas dispositziones ARERA imbenientes in matèria tarifària.
3. Su fundu che pare a € 2.000.000,00, est partzidu tra totu sos comunes chi faghent parte de s'àmbitu territoriale gestidu dae Abbanoa SpA, a manera proportzionale a sa populatzione residente subra de sa base de sa superfizie territoriale, gasi comente ispetzificadu in s'allegadu B a sa deliberatzione CIA n. 38 de su 27 de santandria de su 2020.
4. S'importu gasi individuadu est impitadu cun sas modalidades e sos critèrios apostivigados in sos artuculos imbenientes de custu Regulamentu.
5. Sa componente tarifària OP^{social} est aggiornada e agualada in su respetu de sas dispositziones ARERA in matèria.

Art.3 – Protzedura de giuamentu e titularidade de sas competènzias.

1. Su reconnoschimentu de su BONUS INTEGRATIVU b'est a resurtu de sa protzedura ispetzificada a s'ghire, a sa cale partètzipant s'Ente de Governu de s'Àmbitu de sa Sardigna, sos Comunes chi

fagherent parte de s'àmbitu territoriale gestidu dae Abbanoa SpA e su Gestore de su Servìtziu Ìdricu Integradu Abbanoa SpA.

2. Est dovere de s'EGAS sa definitzione de custu Regulamentu atuativu e de sas mudaduras dàbiles e integratziones, in su respetu e in coerèntzia cun sos providimentos intregados dae s'ARERA, e puru sa verìfica de s'atuatzione curreta de su Regulamentu matessi.
3. Sos comunes singulos o assotziados, sunt sos sugetos cumpetentes a individuare sos chi ant deretu a su BONUS INTEGRATIVU e incarrigados a s'acumprida de sas funtziones amministrativas cunforma a sos printzipios de sussidiariedade, adequatesa e diferentziatzione.
4. Su Gestore Ùnicu de su SII de sa Sardigna, Abbanoa S.p.A. est su sugetu dessinnadu a erogare a sos imputadores beneficiàrios deretos e non deretos su BONUS INTEGRATIVU, in sos limites e cun sas modalidades apostivigadas dae custu regulamentu

Art.4 – Tèrmines de presentatzione de sa dimanda.

1. Sos imputadores de su servìtziu ìdricu integradu chi ant sos rechedidos apostivigados a s'art. 5 devent presentare rechesta de ammissione, cumpilada comente si devent e sutascrita, in su comune de residèntzia pròpia **intro e no a fora de su 30 de maju de onni annu**, a manera cunforme a una de sas modalidades chi sighint:
 - a) a manu in s'ufìtziu protocollu;
 - b) pro mèdiu de indiritzu de posta eletrònica tzertificada;
 - c) pro mèdiu de racumandada A/R;
 - d) pro mèdiu de sa protzedura online disponibile in su giassu dedicadu www.bonusacqua.it.
2. In casu de impitu de sa modalidade de presentatzione indicada a su puntu c), sa racumandada A/R at a dèvere lòmperu a s'indirìtzu indicadu intro e no a fora de su tèrmine ùrtimu, duncas, pro s'ammissibilitàade, no at a bàllere sa data de ispedizione de sa matessi.
3. A sa rechesta de ammissione, presentada pro mèdiu de s'impitu de su mòdulu allegadu a custu Regulamentu (All. 1), ant a dèvere èssere allegados:
 - a) unu documentu de reconnoschimentu de su rechedente in cursu de validade;
 - b) una bulleta a sa cale si riferit s'impitu;
 - c) còpia de s'atestatzione de s'ISEE ORDINÀRIU in cursu de valididade a sa data de presentatzione de sa dimanda.

Si non si presentat intro de sos tèrmines mentovados in antis sa rechesta at a èssere annullada.

4. Su Comune leat in càrrigu sa dimanda averiguende sos rechisidos de ammissione a su BONUS Integrativu, est a nàrrere:
 - a) Su respetu de su limite ISEE prevididu a s'art.5.2,
 - b) chi sa residèntzia de su rechedente siat in su puntu de frunidura indicadu in sa bulleta o siat giuta torra a in cue;
 - c) sa natura residentziale de sa frunidura indicada in bulleta (tarifa Domèsticu Residente o Condominiale),
 - d) s'apartenèntzia de su sugetu a su nùcleu familiare ISEE de s'intestatàriu de sa frunidura (in casu de impitu deretu) o semper e cando de su nùcleu giuadu chi at sa residèntzia in cue (in casu de impitu non deretu).
5. Su Comune comùnicat a su rechedente su refudu dàbile pro permitere a su rechedente de integrare sa documentatzione chi diat podere àere fartas o mancare.
6. A sa congruida de s'istrutòria e semper e cando su 30 de trìulas de onni annu su Comune aprovat s'elencu de sos beneficiàrios residentes in su territòriu pròpiu, chi at a trasmitere a s'EGAS, siat in formadu pdf siat excel, umpare a s'atu de aprovatzione, a s'indiritzu [PEC protocollo@pec.egas.sardegna.it](mailto:protocollo@pec.egas.sardegna.it).chi s'ighet.
Si s'importu de su Fundu integrativu assignadu a su comune singulu non diat permitere su finantziamentu de totu sas dimandas pervènnidas, su Comune providit a redatzionare duos elencos: s'elencu de sos beneficiàrios e s'elencu de sos idòneos non beneficiàrios pro ausèntzia de resursas.
S'elencu de sos beneficiàrios, ordinadu cunforma a su valore ISEE devet càbere, a pena de inamissibilità, totu sas informatziones giutas torra in su mòdulu allegadu a custu Regulamentu (All.2). Sa mancada comunicatzione intro de sos tèrmines dae parte de sos Comunes cajonat su non reconnoschimentu de su giuamentu de su BONUS Integrativu.
7. S'EGAS, cun determinatzione dirigentziale, reconnoschet sos elencos trasmitidos dae onni Comune e comùnicat a su Gestore sos impitadores de sa misura, chi, posca de sas verificas de cumpetèntzia pròpia subra de sa congruidade de sos datos achisidos cun cussos chi resurtant dae su sistema gestionale pròpiu, at a aplicare su giuamentu subra de sos consumos dae su 1 de ghennàrgiu a su 31 de nadale de s'annu de cumpetèntzia.
8. In casu chi, durante sa fase de verifica mentovada in subra a càrrigu de su Gestore, diant essire a pìgiu diformidades, sa dimanda presentada dae s'impitadore at a resurtare inammissibile e signalada, a s'EGAS e a su Comune de residèntzia indichende sa motivatzione reale.

Art.5 – Rechisidos de ammissione a su BONUS Integrativu.

1. Sunt ammitidos a su BONUS Integrativu:
 - a. Sos impitadores deretos intestatàrios de impitu Domèsticu Residente, pro a su mancus unu de sos cumponentes su nùcleu ISEE, e in ue siat garantidu su possu de sos rechisidos chi s'ighet:
 - a.i. Chi s'indiritzu de sa residèntzia anagràfica de s'intestatàriu de su cuntratu de frunidura idrica siat su matessi de frunidura de cussu cuntratu;

- a.ii. Chi su nominativu e su còdighe fiscale de s'intestatàriu de su cuntratu de frunidura idrica siat su matessi de unu componente su nùcleu ISEE.
- b. Sos impitadores non deretos, bastat chi siat garantida sa cointzidèntzia tra sa residèntzia anagràfica de unu componente su nùcleu ISEE e s'indiritzu de sa frunidura condominiale o agregada de sa cale matessi nùcleu gosat, bastat chi s'indiritzu de residèntzia anagràfica de su rechedente torret a s'indiritzu de frunidura de s'impitu condominiale o agregadu.
2. Pro èssere ammitidos a su giuamentu sos rechedente ant a dèvere fàghere parte de sa casta sòtziu-econòmica definida "impitadores débiles". Su rechisidu essentziale pro nde fàghere parte est chi siant impitadores, su nùcleu familliare de sos cales apat un'inditze ISEE non superiore a su limite de 20.000,00 èuros:
3. Su nùcleu ISEE in cunditiones de discumbèniu econòmicu sotziale at deretu a su BONUS Integrativu cun riferimentu a unu solu cuntratu de frunidura.

Art.6 – Determinazione de su BONUS Integrativu.

1. S'importu de su BONUS Integrativu chi tocat a onni beneficiariu est che pare a:
- a. 25,00 èuros pro onni componente de su nùcleu familliare in presèntzia de un'indicadore ISEE suta de su limite de 9.000,00 èuros;
- b. 20,00 èuros pro onni componente de su nùcleu familliare in presèntzia de un'indicadore ISEE dae 9.000,00 èuros finas a su limite de 20.000,00 èuros.
2. S'importu de su bonus no at a pòdere sobrare su valore de s'ispesa idrica sustènnida dae s'impitadore in s'annu de riferimentu, minimada de su Bonus Sotziale idricu Natzionale.

Art.7 – Erogazione de su BONUS Integrativu.

1. Su Gestore, puru posca de sa verifca de sa cale a s'art. 6.2, dat, a s'impitadore finale, su BONUS Integrativu "pro quota die", in base a sas dies in sas cales s'impitu est ativu in s'annu de cumpetèntzia:
- a. a sos impitadores deretos, in sa prima bulleta ùtile e semper e cando intro s'ùrtimu tziclu de fatturazione de sos consumos de cumpetèntzia;
- b. a sos impitadores non deretos, pro mèdiu de pagamentu deretu, cun modalidades tales de garantire sa "tracciabilità" e s'identificatzione de su sugetu beneficiariu de su giuamentu e semper e cando intro de s'ùrtimu tziclu de fatturazione de sos consumos de cumpetèntzia.
2. S'importu de su BONUS Integrativu pro s'impitu deretu devet èssere a manera oportuna sinnaladu e individuabile in sa bulleta e minimat su valore de s'importu cumplessivu chi resurtat, mentres pro s'impitu non deretu at a èssere evidentziadu in comunicatzione apòsita. In particolare pro s'impitu deretu sa frunidura at a èssere fata evidentziende in bulleta:
- a. Sos importos chi derivant dae s'aplicatzione de sa tarifa Domèstico Residente,

- b. S'importu de su BONUS Integrativu erogadu cunforma a custu Regulamentu pro sa cumpetèntzia de sa bulleta, s'importu si devet pagare, comente diferèntzia tra sos duos pretzedentes.

Art.8 – Casos particulares.

1. In casu de sessada, voltura, de intrare a pustis de unu durante s'annu, sa mesura de su BONUS Integrativu s'at a applicare, in onni casu, cunforma a sos critèrios chi sighint:
 - a. In casu de sessada su Gestore at a dèvere erogare su BONUS Integrativu in sa mesura che pare a sa portzione de annu in su cale s'impitu est istadu ativu in sa fatura de congruida de sa frunidura.
 - b. In casu de voltura o intrada a pustis de unu:
 - b.i.si s'intestatàriu nou est includu in su nùcleu familiare ISEE giuadu, su Gestore at a providire a erogare su BONUS Integrativu;
 - b.ii.si su nùcleu ISEE giuadu leat un'impitu nou intro de sa matessi gestione, su Gestore at a providire a erogare su BONUS Integrativu intreu.

Art.9 – Rendicontazione a s'EGAS e normas pro s'impitu curretu de su Fundu Integrativu.

1. Intro de su 31 de martzu de s'annu imbeniente a cussu de cumpetèntzia, Su Gestore trasmitit a s'EGAS s'elencu de sos beneficiariòs de su BONUS Integrativu cun sos cales tzertificat s'erogatzione fata de sos giuamentos, cun sa cumpiladura de su modellu allegadu a custu Regulamentu (All. 3).
2. Sos elencos ant a dèvere càbere sos datos chi sighint:
 - a. Un'àteru elencu pro sos impitos deretos chi cabet:
 - a.1. In riferimentu a su Benefitziàriu: Nùmene e Sambenadu, Data de nàschida, Logu de nàschida, Indiritzu de residèntzia, Comune de residèntzia, Còdighe Fiscale, nùmeru cumponentes su nùcleu familiare, Còdighe ISEE, Valore ISEE, Importu erogadu de su BONUS Integrativu.
 - a.2. In riferimentu a s'Impitu e a s'intestatàriu de su cuntratu de frunidura: Nùmene e Sambenadu, Còdighe Fiscale, Indiritzu de frunidura, Comune in su cale est posta sa frunidura, Còdighe Istat de su Comune in ue est sa frunidura, Còdighe Cliente, Còdighe Servitziu, Puntu Frunidura (PdE), Casta de Impitu.
 - b. Un'àteru elencu pro sos impitos non deretos cuntenet:
 - b.1. In riferimentu a su Benefitziàriu: Nùmene e Sambenadu, Data de nàschida, Logu de nàschida, Indiritzu de residèntzia, Comune de residèntzia, Còdighe Fiscale, nùmeru de sas persones chi

component su nùcleu familiare, Còdighe ISEE, Valore ISEE, Importu dadu de su BONUS Integrativu.

b.2. In riferimentu a s'Impitu e a s'intestatàriu de su cuntratu de frunidura: Identificativu condomìniu, Còdighe Fiscale, Indiritzu de frunidura, Comune in ue est s'impitu, Còdighe Istat de su Comune in ue est sa frunidura, Còdighe Cliente, Còdighe Servitziu, Punto Frunidura (PdE), Casta de Impitu.

b.3. S'EGAS achisende sa tzertificatzione de sa cale a sos commas pretzedentes at a controllare s'impitu curretu de su Fundu Integrativu cunforma a custu Regulamentu.

b.4. Si s'EGAS diat annotare modalidades de impitu de su Fundu Integrativu non cunformes a cantu prevididu dae custu Regulamentu, at a pedire a su gestore de providire cunforma a sas dispositziones regulamentares intro de 30 dies; coladu cussu tèrmine sena chi su gestore si siat adequadu a sas indicatziones de s'EGAS, custu at a sinnalare cantu iscumbatadu a ARERA.

b.5. S'EGAS at a pòdere fàghere verìficas e iscumbatas subra de su tempus, modalidades e importos relativos a s'erogatzione de su BONUS Integrativu. Si bi diant èssere diferèntzias tra sos datos tzertificados e sos BONUS dados a manera efetiva o sa mancàntzia de erogatzione de sos BONUS Integrativos dèvidos intro de sos tèrmines prevididos, at a obligare su gestore a providire cunforma a sas dispositziones regulamentares intro de 30 dies; coladu custu tèrmine sena chi su gestore si siat adequadu a sas indicatziones de s'EGAS, custu at a providire a sinnalare cantu iscumbatadu a ARERA e a minimare sa parte non frunida dae s'OP_{social} in sa prima revisione ùtile.

b.6. Si sos tèrmines prevididos a sos commas 1 e 4 de custu articulu siant valutados non sufizientes pro sa cumplessidade o s'assumadura de sas atividades de acumprìre, su Gestore at a pòdere rechèdere, ispetzifichende sas motivatziones, unu tèrmine adequadu pro fàghere fronte a sas rechestas de s'EGAS chi l'at aprovare si diat èssere considerata cun fundamentu.

Art.10 – Tratamentu de sos datos personales.

b.6.1. Totu sos datos personales de sos cales sas Amministratziones Comunales, s'EGAS e su Gestore bèngiant in possessu in occasione de custu protzedimentu ant a èssere tratados in su respetu de su D.Lgs. 196/2003 "Còdighe in matèria de amparu de sos datos personales" e m.i.i., e de su GDPR (Regulamentu UE 2016/679).

Art.11 – Publitzidade.

1. Su Gestore at a dare informatzione oportuna pro su chi pertocat s'ativatzione e sa modalidade de rechesta de su BONUS Integrativu de su cale a custu Regulamentu pro mèdiu de sa prima bulleta e de su giassu Internet pròpiu.

Art.12 – Intrada in vigèntzia.

1. Custu Regulamentu s'àplicat a comintzare dae sa cumpetèntzia 2021 e pro pessighire sas finalidades de sas cales a s'art. 1.1.

Atividade finantziada cun sos fundos de sa L. 482/99, L.R. 22/18 acumprida dae
s'operadora Lucia Sechi de s'isportellu linguìsticu de Putumajore.
Progetu Limba e Identidade III ann. 2025-2026-2027